

25





M-68918

F-72849

ATA
5696

COMUNIO ORDANTZALLEA

MAIZ ARTUAZ

ALDARECO SACRAMENTU SANTUAN JESUSEN

BIOTZA CONSOLATUA.

*Aldareco Sacramentu Santua
Jesusen Biotzaren erregalo
edo doaya da.*

APAIZNAGUSIAREN BAIMENAREQUIN.

VITORIAN:
MATEO SANZ-EN moldizteguian.

1869-garren URTEAN.

COMUNIO ORDANATZALEA

1918

ALDARRO SACHAMUNTU SANTIEN BERRSEN

BIOTZA CONSOLATUA

Liberté e Sacramentu
tan liburu Biotzen erregala
eta donatu da.

LIBERTATEA BERRERAZTEA

LIBERTATEA BERRERAZTEA
1918

COMUNIO ORDANGARRIA CERTARACO DAN GOGORAZTECO BIDEA.

1.^a Asteoro bacoitzari siñalatzén zayon egunean comulgatzea.

Lenengo: Jesúsén Biotza Aldareco Sacramentu guciz Santuan consolatzeo.

Bigarren: Elizaren premiaegatic.

Irugarren: Aita Santuagatic.

Laugarren: gure Erreinuagatic.

2.^a Comulgatzen dan egunean batu bedi intencioaz Jesúsén Biotzean, orañdaño Sociedade onetan sartu diran laroguei milla lagunequin, ceñtzuetatiē amar milla egunoro comulgatzen baitiran; eta erregutu beza lagun guci oecgatic, beren oracioac irichi bear dizquiguten gracietan guc ere parte izan dezagun.

1800

Handwritten text, likely bleed-through from the reverse side of the page. The text is mirrored and difficult to decipher due to the bleed-through effect.

COMUNIO ORDANGARRIA.

ICUSGARRI ederra zan Elizaren lenengo dem-
boretaco cristauac beguietaratzen zutena, bada
cristau ayec Apostoluen encargúai leyalqui eta
cintzo eranzunaz Comunio Sagradua artugabe
inoiz ere mezaco sacrificio adoragarria enzuten
etzuten. ¡Cembat indar bérengan senti zuten!
¡Cembat caridade guciac alcarrequin batutzen
citan! Ciran guciac anima bat eta biotz bat
baicic etzuten. Baña eta ¡indar ceñ vici eta era-
guillea ematen zuan béren vertuteen ejemplo
ederrác Eliza jayoperriaren aurrerapenac lem-
baitlen irichi citecen, gauza on guciac eguiteco!

Virtute eder oen oroipenac ecuscarri añ mi-
ragarri hura gure egunetan berriro sortu eta
acitzeco zale eta deseoc esnatu ditu, Comunio
ordangarriaren obra andi au piztu, eta maiz co-
mulgatuaz vici diran gaurco eguneco cristauen
arteco unio edo alcartasun santu bat ipintzeco.
Eta onetaraco esango degu cerbait alcartasun
onen gañean.

Elizaco famili andiaren zati guciz maiteari
becela atseguin contentuz beguiratzen dien
Jaungoicoaren beguien aurrean or-emen erri
eta baserrietan sacabanatuta egonic, ¡cergatic
alcar artu eta batzuec besteacquin aditubear
etziran Mai Santuaren aurrean belaunicatzen

diranean guciac asmo, gogo eta intencio bat berarequin alcarganatzeco, guciac vicitzaren oguiberarequin mantentzeco! Beren erregu, beren negar eta malcoen bidez guciac asmo, zale eta deseoz biotz bacar batetic irten eta ao batez adirazten balituzte becela, guciac intencio bat berá, egarri bat berá iduquiaz, ¿cer Jaungoicoagandic irichico ez luteque?

Au onela dala ezagutu, eta asco eta asco cristau irazaqui beargai jaungoicozco onetaraco listatu dira. Bacar bacarric falta zan Jaungoicoagandic erruqui ugaritsuagoac guc guciac adicezaqueen dei bat, guciac alcarganatzeco dei bat, Elizac daramazquian persecucio latzen erdian biotzetan berotasun andiagoa, prestutasun areagoa, eta amore gueyagoa esnatzeco diñaco dei bat falta zan.

Jesucristo berá encargatu zan biotzetic irrendaco aguindezco deadar au, ots au, dei au emateaz: nai du eguiten zayozcan bidegabequeri itsusien ordaña Comunió santuaren bidez.

Ordañ au escatu du izatez bere Biotz Jaungoicozcoaganaco jayera azquenengo dembora oetan guri aguertuaz, bere espaasunac eracutsita. Eguiaz, ¿norc ezdacus berealatic ecen, izanic Biotz Sagraduaganaco jayera, Jesucristoc berac aguertzen duan becela, bere amorezco Sacramentuan digun onguinai eta amorearen ezagüerra guc berari eracusteco, Sacramentu onetan artzen dituan bidegabe itsusiac ordantzeco, norc ezdacus, diot osterá, Comunió ordangarria dala bi gauza oec batetan eguiteco bideric egoquie-

na? Eciñ isuri citequean Jesusen Biotz Jaungoicozcoaren aibeste zauriren gañera indar andiagoo balsamo sendagarriagoric. Bere amorezeo Sacramentuan eguiten diozcate esquer beltzeo guizónac aibeste bat irañ eta bidegabe itsusi, eta au bertan alaitzen eta consolatzen dute esquer eta ezagüera oneco biótzac, eta anima iracequi oec aleguin guciac sayatzen dira, non eta esquergabequeria gueyena eguiten zayon, an bertan esquer on eta ordañ sari gueyago eta andiagooac ematera.

Baña eztezagun luzatu esatea ere, eeen Comunio ordañgarriaren Congregacio edo batzarrean sartuta daudenac izan bear dirala Biotz Sagraduaganaco devocioaren celo eta egarririe andiena aguertzen dutenetacoac. Person oec aibeste on eracartzen duan jayera onetatic alcargandie urrutiratu ez, baño lenaz gañera beste locarri batez guciac alcarrequin lotutzeco modu eta erac billatzen ditugu.

Biotz Sagraduaren Cofradi edo Congregacioan sartuta dauden cristau guciac Jesusen banderapean portizqui peleetzen diran soldadu bulardetsuac dira; baño cernai estandarte edo banderapean arquitzen dira oi ez becelaco hazáñac eguitera sayatzen diran soldadu esleituac, eta onelacoac dira Comunio ordañgarriraco alcar artuta dauden persónac. Congregacioac siñalatzen dizten gáuzac eguiteari guchi iritziz, besteai gañez eraguin naico diezate Jesusen Biotzari gogocoen zayon jayeran, Jesusec berác añ viciro encargatu duan jayeran: ez dira con-

tentatuco béren zale eta deseoa betetzeco Biotz Sagradu oni beste gañeracoac eman oi diozcaten consuelo eta atseguin-contentuac emateaz: Jaryatuco dira sacrificio andiagoac escañtzera. Jarrico dira zazpiña lagunezco Corúac, bacoitza astean beñ comulgatzeco, edo ta ogueita amarnacoac, illean beñ comulgatzeco, onetaraco lagun bacoitzarentzat aututaco egunean comulgatuaz; zaituco dute Jesusen Biotza edo egongo dira Jesusen Biotzaren aurrean, beñere gueratugabe tiratzen zayozcan sayeta edo flechai aldeeracitzeco. Béretaco bat sartuco da egun oro conuartzera, biotzen Erreguearen aurreco goardia edo centinela becela, gueraeraci eciñ izan dan flecha ilgarría bereala heridatic ateratzeco.

Orra emen itz bitan coru oec certaraco diran: Jesus eta Mariaren Biotz sagraduen congregacioetaco lagunic devociotsuenen unio eta alcar artze bat devocio oni beste gañeracoac baño obeto jarraitzeco.

¡Betoz bada biotz prestuco animac gucia maitagarría dan Biotz onen inguruan alcarganatzera, Biotz au ecertan ezdaucatenen, beraganacotz edo epel daudenen, berari gorroto diotenen eta berari aimbeste sacrilegio eguiten diozcatenen aimbeste eta aimbeste sacrilegio itsusi ordañtzera! ¡Betoz bada Jesusen Biotzaren adisquide eguiazcoac devocio sutu batezco Comunio bat aste oro edo illoro berari escañtzera; eta Biotz Sagradu oni nai daquiola arren, alcarcarartze au iristea, onetaraco burutacioa eman duan becela!

— 91 —

**JESUSEN BIOTZAREN DEVOCIOAREQUIN COMUNIO ORDAÑGARRIA
BATUTZECO ARRAZOI EDO MOTIVOAC.**

MOTIVO oec atera dira Margarita Maria veneragarriari Comunio ordañgarria eguitera beartzeco, eta batez ere Comunio santuaren bidez bere Biotz Jaungoicozcoa alaitzeco gure Jaunac esan ciozcan itzetatic. Ara emen itz ayec:

Egun batez, dio Margarita Maria veneragarriac, Jaun Sacramentatu aguiricoaren aurrean nengoala, neregan corde gabetua becela, nere sentidu eta almen guciac bilduta, aguertu cüzadan nere Maisu Jaungoicozco Jesucristo gloriazco argui-errañuac cerarizquiola, bost eguzquic becela argui equiten zuten bere bost llaguequin. Bere guizatasun sagraduari alde gucielatic su-gárrac cerarizquion, eta bere bular adoragarriari alañoac, non labe sutu bat cirudian. Labe irazaqui onen erdian icuseraci cidan bere Biotz maitagarri gucia, sugar vici oen biltoquia. Orduanche aguertu cizquidan guizónacganaco bere amorearen ecin esan alaco mirariac, eta noraño amore au guizonen onguinaiz eraman zuan, eta nola oztasun, uzcurtasun eta esquer-beltza besteric guizónacgandic artzen etzuan.

Au miñgarriago zat, esan cidan, Pasioan

eraman dedan gucia baño; aimesteraño non, baldin bérac nere amoreari eranzuten baliete, béracgatic sufritu dedan gucia guchitzat iduugico nuque, eta al balitz, oraindic gueyago equingo nuque. Baña beren onaren nere egarriari oztasun eta biotzeco agortasunarequin ezpada eranzuten ez diote. Beñic-beñ zuc, esan cion gañera, ayen esquergabequeria alic onguien ordañ zazu. Nic nere ecereztasuna aguertu, eta osterera eranzun cidan: *Ar zazu, orra non dezun zuri falta zatzun gucia osatzecoa.* Eta bere Biotz Jaungoicozcoa idiqui, eta sugar añ vici eta beroa irten zan andic, non, erre eta gueldo biurtzen ninduala, beguitandu eitzadan. Alaco mella eraguin cidan, non, eciñ gueyago iraunic, erregutu nion, urricál cedilla nere argaltasunaz. Baña osterera eranzun cidan: *Nic indartuco zaitut, ez izutu; adi zazu nere deya, eta beguira nic nere asmóac betetzeco escatzen dizudanari:* Lenengo: *artuco nazu Sacramentu Santuan obediencia toqui ematen dizun guci gucian, onetaraco cernai humillacio edo mortificocio eraman bear izan arren: ar itzatzu guciae nere amorearen siñale eta prenda becela.* Bigarren: *Gañera comulgatuco cera illaren lenengo ostiral gucietan.*

Beste aldi batean, eraberean Sacramentu guciz Santuaren aurrean cegoala, bere zortziurren edo Octavaco egunetaco batean, Jaincoaren servitzari onec orobat artu cituan Jaun onen amorearen gracia, esan al baño andiagoac. Nola berac Jaunari eranzun, eta amoreagatic amore biurtu arte onic etzuen, Jaunac esan cion:

Eciñ equin dizadazuque nere gogoeraco gauz andiagoric, nola ta aibeste bider escatu dizudana eguitea.

Orduan bere Biotz Jaungoicozcoa eracutsiaz esan cion: *Ona emen guizónac añ maite izan dituan Biotz au, guizónai ecertan ere labur izan etzayen, eta bere ongunai eta omorea icuseracitzeco urtu eta eceresztuzeraño irichi dan Biotz au. Guci onen esquer eta ezagüeraz guizónen gueyenaegandic ezdet artzen espada esquer-beltz, desprecioac, ecertan ez iduguitzea eta sacrilegio izugarriac, amorezco Sacramentu onetan. Baña oraíndic miñgarrien zadana da, ni onela tratatzen nauten biotz oriec niri escañiac izatea. Onegatic escatzen dizut, eeen, Corpusco zortziurrenetic lenengo ostiralean equin daquidala berarizco elizpesta bat nere Biotzaren honran, bidegabeneri itsusi ayec elizpesta onen bidez aquirian gaizlotzat eman, eta ordañduaz, aldarcetan aquirian egon dan garayan artu dituan trataera gaizto, irañ eta bidegabeneri itsusien ordañez egun berean comulgatuaz. Nic segurutzen dizut, eeen, nere Biotza zabalduco dala honra au ematen diotenen, eta besteac ere onetara mugueracitzera sayatzen diranen gañera bere amore Jaungoicozcoaren equicari eta ondasúnac ugari isurizco. Baña Jauna, eranzun zuan Maria Margaritac ¿nori zagozquio? ;Creatura circill oni, peccarí gajo oni, ceñaren gaizlotasuna, asco eta gueyegui bailitzaquean, Jauna, zue escañi dezuna atzeratzeco! ;Eta cer! eranzun cion gure Jaunac, ¿estaquizu personie ecerecenaz valiatzen*

*naicela indartsuenac lotsatu eta buruz beeratze-
co, eta chiquicho eta espirituz beartsunacquin co-
munquiro aguertzen dedala arguiroago nere escu
eta indarra, oec berenez equin dutela uste ez-
zaten?*

Beste egun batean esan zuan Veneragarriac,
ecen, aguirian egon zan hostia bat errecibitu
ondoan, Jesucristoc esan ciola: *Ene alaba, eman
dizudan biotzera nator Sacramentu Santuan des-
honratzen nauten biotz epel eta dollorren bidega-
be, irañ eta injuriac cere berotasunaz ordañ de-
guizquidatzun.*

Beste batzuetan gure Jaunac bere servitzari
leyalari esaten cion: *Utzi zadazu zure biotzean
atsedeten nere amoreac sufrieracitzen didan eciñ-
egona cerbait sosegatzeco. Atoz, jan eta edan eza-
zu nere atsequin-contentuen mayean, errefresca
zaitzean, onela biotz andiaz bideequin dezazun,
ceren zure bidajea luce gaitz eta nequezeoa dan,
eta ceren bidaje onetan arnas eta descantsua
sarri nere Biotzean artu bearco dezun.*

Beste guertaldi batean nere biotzeco laztan
onec esan cidan: *Añ atsequin zat Sacramentuan
ni errecibitzeco zalez zu egotea, non eta cembat
aldiz biotz orretan deseo au sortu, aimestetan
beguiratzen diot biotz orri amore andiaz nigana
eracartzeco.*

Ascencio egun batez aguertu citzadan guciz
arguitsu esanaz itz oec: *Zure anima autu del
lurrean atsedeteco ceru izan daquidan; eta zure
biotza nere amore jaungoicozcoarentzat atsequin
contentuzco tronu edo jarlecu izango da.*

Eta ala Jaunaren servitzari onec Sacramentu Santuari cion bere amorean deadar eguiten zuan esanaz: *Aimbesterañoco deseo eta egarria daucat Comunioan nere Jaungoico maitea eta nere Jaungoicoaren Biotza artzeco, non eta, suzco bide balean oñ-uts gorrietan ibilli bearra banu ere, neque au utsa litzaquedala, deritzat, Ogui Sagradu au artugabe gueratzea izango litzaquedanaren aldean.*

¡Ay eta baldin Comunio ordañgarriraco *alcar artu duten* guciac ere deseo santu au baleucate!

COMUNIO ORDAÑGARRIRACO ALCAR-ARTZEA

ZUZEN-BIDE EDO ERREGLAC.

1.^a Alcar-artze onetan parte artu nai duten cristáuac iduquico dituzte béren burúac Jesusen Biotza Aldareco Sacramentu adoragarrian consolatzea béren contura daducatencotzat. Oec eguiten dirá mai santu artaco gombidatu, eta eguiten dira zorioneco mai santu artara sarri joatean (astearen egun bacoitzean bat, aldizca) guciz zori oneco.

Joango dira mai santu artara amorez guri ematen zaguna an amorez gure barrun-bean artzera, Sacramentu au ecertan ez daucate-nen oztasúnai oracio amoriotsu eta egunoroco comunioacquin eranzuteco, eta guizónac Jesusen Biotzaren contra Sacramentu Santuan eguiten dituzten gaiztaqueri itsusi eta esquer-beltz-gaiz-

to guciac albait onguien ordañtzeco: Onelacoa da Sociedade edo alcartze onen asmoa.

2.^a Jesusen Biotzaren Congregacioco lagúnen artean eguindaco Sociedade, onetan sac^a codira gure Jaunari bere amorezco Sacramentuan eguiten zaizcan esquergabequeri beltz itsusien ordañezco adoracio eta obsequio bereciac eguin nai diozcaten elizguizon, erligioso, eta guizon edo emacume guciac.

3.^a Sociedade onetacoac comulgatuco dira astean beñ eta gañera ill bacoitzaren lenengo ostiral edo igandean, ceña baitan gucién Comunion edo Comunio generaleraco siñalatutaco eguna. Egun onetan, albada, izango dute sermoy edo platica bat.

4.^a Cernai elizatan comulga liteque. Osasunaren faltaz edo beste ecinquizun eguiazcoren bat dala bide siñalatutaco egunean eciñ comulga litequeanean, Sociadeco lagúnen batequin alcar adituco dute, egun artan bere ordea eguin deguion.

5.^a Aldareco Sacramentu Santu amorezcoan Jesus-en Biotzaren Congregacioan sartuta dau den guciac daude beartuac Sacramentu onenganaco devocioari dagozquion gauza gucietan béren celoa besteai itsasteco al gucia eguitera; conturaco: procesioetan, Elizacoac dijoazenean, Sacramentu Santuaren bendicioetan, Jauna patente edo aguirian dagoala eguiten diran elizpestetan, berroguei orduetaco devocioan, meza sarri enzutean eta maiz comulgatzean.

Sayatuco ere da bacoitza bere vicibideae

aguintzen dion eran, beste cristauai, baña batezere aurchoai, Aldareco Sacramentu adorgarriaganaco devocio andi bat sarreracitzera, gogora eraciaz, ecen, eguiaz gure artean viciridagoala, Jesusen Biotza.

6.^a Comunio ordanigarriaren Sociedadeco lagúnac daude coruetan bereciac, Coru bacoitzac egun oro comulgatzeco lagun bat nola bear baituan, izango ditu zazpi lagun, buru eguiten duan edo contuartzallea sartzen dala.

7.^a Coru bacoitzeco buru edo contuartzalleac bere contuco lagúnac bildu, eta aste artan comulgatzeco eguna bacoitzari sinalatu ondoan, eguingo ditu bere coruco lagunena lista bi, biac berdinac, eta bata berac gueratu eta bialduco dio bestea Sociedadeco Guidari nagusi edo Zucenzalleari.

8.^a Iru illetatic irura, edo sarriago baldin ala nai badu, bialduco ditu Zucenzalleac coru bacoitzeco contuartzalleetara Sociedade onetaco persona celo andienecoen batzuec, listac ondo ote dauden icusteco, eta deritzatenen batzuec atera, eta beste berriac sartzeco, ala bear dala deritzaten gucian.

9.^a Béren eguinquizúnac dirala bide may sagradura maiz alderatzeco derecha eta oitura ez daucaten persónac, eta beragatic astecaco coruetan sartzea aldapa eguiten zayenac, orobat batu litezque ogueita amarnacaco coruetan, eta len asteca esan dan eran illeaco corúac ipini litzaquee, asmo eta intencio berarequin.

10.^a Sociedade onetacóac alcarrequin guciz

lotúac daude, edo alcarrequin guciz bat dira, Jesucristoren Odolaz añ sarri guciac parte artzen duten bidez, alabañan au da caridadearen locarririe obeena, eta ala erregutuco dute bat eebésteacgatic, batez ere Comunio Santua artzen duten egunean.

11.^a Egun artan bertan erregutuco diote, besteetan baño viciroago Jesusen Biotzari Elizaren oraño premiagatic, eta cristau-erri guciagatic.

12.^a Nai izatecoa litzaque coru asco jartzea, esan ditugun gauzetaraco, baña ez dira iduqui bear coru oetan arazo edo ecinquizunen bategatic, edo gogoric ezdutelaco Sociedadeco obligacio edo eguitecóac ondo betetzen ez dituzten persónac.

Gure Sociedadeco lagunac badaquite Erregla oec ez dutela iñor beartzen pecatuaren bean.

ASTEAREN EGUNETACO BACOITZERACO JESUSEN BIOTZ SAGRADUARI SACRAMENTU SANTUAN EGUITEN ZAYOZCAN IRAÑ
ETA BIDE GABE ITSUSIAC ALBAIT ORDAÑTZECO BEARGAI EDO
EGUITECÓAC.

LENENGO EGUITECOA.

IGANDEA.

Anima adoratzalleac.

Eucaristia Santuan eguiaz eta benaz arqutizen dan Jesucristo gure Jaunari eguiten diozcan sarritaco adoracio, veneracio eta obsequioen

bidez anima adoratzalleac, ordañduco ditu bere indar eta eguin-al guciaz Sacramentu Santuaren aurrean eguiten diran moldacaitzqueri zatat, irreverencia itsusi, eta beguiramentuaren faltac. Esango du sarri Aldarearen inguruan dauden Aingueruacquin: *Santu, Santu Santu da Eiercituen Jaun Jaungoicoa; beraren gloriaz bete da dago lurra.* Escañico dizca Jesucristori bere Ama gloriaz betearen merecimentuac, lurraren gañean eguiten dan on gucia, bere Biotz Jaungoicozcoaren gloria andienera zucendua izan dediñ.

VIRTUTE ORDAÑGARRIA.

Beguiramentu eta errespetoric andiena Sacramentu guciz Santuaren aurrean.

EGUNÁC DIRAUN BITARTEAN MAIZ ESAN BEAR DAN ORACIO LABURRA.

Jesusen Biotza, Jaincotasumaren egon lecuá, urriqui zaite guzaz.

BIGARREN EGUITECOA.

ASTELENA.

Anima erruquitsua.

Escatu bear zayo humilltasun andiaz Jesucristo gure Jaunari Aldareco Sacramentu adoragarrian eguiten zayozcan bidegabequeri itsusi, eta sacrilegio izugarri gucien barcacioa.

Egunác dirauñ bitartean asco bider espiri-
tuz Jesusen Biotzean sartu, eta Virgiña guciz
Santaren Biotz tachagabearen icenean erregu-
tucio dio, eman dizayola bere merecimentu-
tic, eguiten zaizcan bidegabequeri gaiztóac or-
dañzeco palta zayona.

VIRTUTE ORDAÑGARRIA.

Jesusen doloreai egui eguiazco urricalta-
suna.

ORACIO LABURRA.

Gure pecatúac dolerez urratuta zaduzcaten
Jesusen Biotza, urrical zaite guzaz.

IRUGARREN EGUITECOA.

ASTEARTEA.

Anima leyala.

Sacramentu Santuan gure Jauna añ bacar
uzteaz eguiten zayon ofensa ordañzeco, anima
leyala poztuco da Jaun onequin bat biotz guciz
eguinta egoteaz. Escañico diozca Jesusen Biotza-
ri bere obra on guciac, guizon guciac bere vo-
rondate santua eguitea iristeco. Escatucio dio
Virgiña guciz Santari, irichi deguiozcala arren
bere biotzác ceduzcan prestaera miragarriac,
esan zuanean: *¡Ona emen Jaunaren servitzaria!*
berác ere aren guisa eguiteco.

VIRTUTE ORDAÑGARRIA.

Jaungoicoac nai duan gucira oso jartzea.

ORACIO ALDI LABURRA.

Jesusen Biotz, vertuteen ispillu ederra, ur-
rical zaite guzaz.

LAUGARREN EGUITECOA.

ASTE AZQUENA.

Anima contuartzallea.

Sacramentu Santuan ecertan ez iduquiaz,
eta alaco oztasunarequin beguiratuaz gure Jau-
nari eguiten zayon bidegabe itsusia ordañtzeco,
anima contuartzallea sayatuco da bere eguin-al-
guciaz Jesucristoc Sacramentu adoragarrian di-
gun onguinai eta amorea, eta Jaun au artzean
izaten diran atseguin-contentuac guciai ezagüe-
racitzera. Escatuco dio Jesusen Biotz Sagradua-
ri, arren ere ezagutu eta amatu dezatela bere
amorea cristau fededun guciac. Mesede au iris-
teco, bideguingo du Virgiana guciz Santagana
ceñaren jayotzac ecarri baicion munduari atse-
guin-contentu eta consueloa, ceren egunsenti
eguiazcoa, zucentasunaren eguzquia, au da, Je-
sucristo munduari adiraci cion.

VIRTUTE ORDAÑGARRIA.

Lagun urcoa Sacramentuac maiz errecibi-
tzera eramatearen celoa.

ORACIO ALDI LABURRA.

Santu gucien atseguin-contentua ceran^{ce} Je-
susen Biotza, urricai zaite guzaz.

BOSTGARREN EGUNA.

OSTEGUNA.

Anima amatzallea.

Ordañduco dio gure Jaunari aibeste bider
alaingo epeltasunarequin bere Magestadea Co-
munio Santuan artzeaz eguiten zayon bidegabe-
queri itsusia. Serafiñen biotzacquin berea batu-
ta, bialduco diozca sarritan Jesusen Biotz Sa-
graduari amorezco actoac, eta escatuco die es-
piritu doatsu ayei ejercicio satnu au ondo egui-
teco berari falta zayona ayec bete dezatela. Er-
regutuco dio amore garbiaren Ama, Virgiña
guciz Santari arren ecio dezala caridadea biotz
gucietan, baña batez ere biotz epeletan.

VIRTUTE ORDAÑGARRIA.

Gauzaric chiquienac ere Jaunaren amorez
eguiteco leyaltasuna.

ORACIO ALDI LABURRA.

Jesusen Biotza, Jaunaren urricaltasun eta
amorearen egonlecua, erruqui zaite guzaz.

SEIGARREN EGUITECOA.

OSTIRALA.

● **Anima ofrendatua.**

Mezaren sacrificio adoragarrira joateco dagoan oztasuna ordaindu, eta peccatarien contra irazaquia dagoan Jaungoicoaren aserre vicia itzaltzeko, anima ofrendatua vicico da beti sacrificio edo ofrenda bat eguina. Ama Virginea Doloretacoaren biotz samurraren bidez eguingo dio Jesusen Biotzari anima onec bera dan guciaren sacrificio edo ofrenda, aldarearen aurrean bere burua Jaunari escañiaz, Biotz sagra-
du onec Jaungoicoari eta guizonai dien onguinai eta amore sutuac escatzen duan gucira jartzeco deseo vici batequin.

VIRTUTE ORDAÑGARRIA.

Sentiduen mortificacioa.

ORACIO ALDI LABURRA.

● Jesusen Biotza, Jaincoarequico gure paque eta adisquidetasuna, erruqui zaite guzaz.

ZAZPIGARREN EGUNA.

LARUMBATA.

Anima escalea.

Herege eta erligioaren etsayac eguiten dioz-

caten burla, irañ eta bidegabeac gure Jaunari
ordañzeco, anima escaleac Aldareco Sacramen-
tu Santuaren meditacioan confianzaz bete, eta
escatuco diozca Aita Eternoari oracio ig^oza-
quien bidez bear dituan gracia. Erregutuco
dio eguiñ al guciac Jesusen Biotz sagraduari,
gogora ditzala bere urricaltasunac; onetaraco
escatuco diozca Virgiña guciz doatsuari bere bi-
tartecotasun indartsuaren laguntzac.

VIRTUTE ORDAÑGARRIA.

Caridade eta humilltasunezco gauza guciac
eguitea.

ORACIO ALDI LABURRA.

Jesusen Biotz, daramazquigun gaitz andie-
tan gure laguntza cerana, erruqui zaite guzaz.

GAÑERA COMULGA LITEQUE.

IGANDEAN.

Espirituz Magdalenarequin batera bere mal-
coaz Salvatzallearen oñac bustiaz.

ASTELENEAN.

Dicipulu guciz maitearequin batera Jesusen
bularraren gañean espirituz jarri eta Jaun oni
galdetuaz.

ASTEARTEAN.

Olivetaco baratzan Jesucristo consolatzera etorri zan Ceruco Mandatariarequin espirituz batuta.

ASTEAZQUENEAN.

Veronica Santarequin espirituz batu, eta Jesucristoren arpegui adoragarria legortuaz.

OSTEGUNEAN.

Simon Cirinecoarequin espirituz batu, eta Jesucristoren arpegui adoragarria legortuaz.

OSTIRALEAN.

Jerusalengo alabacquin espirituz batu, eta Jesucristogatic negar eguiñaz.

LARUMBATEAN.

Gurutzetic erachi zutenean Mariac besoetan artu zueneco espirituz eta Ama naigabetu onequin batera Jesusen Gorputza artuaz.

SACRAMENTU GUCIZ SANTUARI BIDEGABEQUERIAS
ORDAÑTZECO.

LETEYA. (z)

- Jauna, urrical zaite guzaz.
Jesucristo, urrical zaite guzaz.
Jesucristo, enzun zazu gure escaria.
Ceruco Aita Jaungoicoa, urrical zaite guzaz.
Munduaren Erredimitzalle Seme Jaungoicoa,
urrical zaite guzaz.
Espiritu Santu Jaungoicoa, urrical zaite guzaz.
Trinidad Santu, Jaungoico bat bacarra cerana,
urrical zaite guzaz.
Pecatarien salvacioagatic ofrendatutaco
Hostia Santa.
Gugatic eta guretzac Aldarean humillatu-
taco Hostia Santa.
Cristau gaiztoac despreciatzen zaituzten
Hostia Santa.
Ascoc zure contra hitzeguiten duten Hos-
tia Santa.
Judu eta heregeen escuetara ascotan ema-
na izan ceran Hostia Santa.
Zuzaz gaizqui hitzeguiten dutenac ascotan
saldu zaituzten Hostia Santa.
Hostia Santa, abereai botaa izan ceran,
Aingueruen Oguia.
Hostia Santa, Apaiz fedegabéac deshon-
ratua.
Hostia Santa, loitara botatua, osticopean
zapaldua eta despreciatua.
¡Oh Jaungoicoa! Lagun zaguzu.

URRICAL ZAITTE GUZAZ.

Izan zaquizquigu gure alde, beguira gure erre-
guai, Jauna.

Sacramentu añ miragarri orretan ecin gueya-
graño beeratua eta humillatua zaudelaco,
ordañdu nai zaitugu, Jauna.

Comunio gaiztóac, ordañdu nai dizquitzugu,
Jauna.

Zure Elizan eguiten diran gaiztaqueriac, or-
dañdu nai dizquitzugu, Jauna.

Fedegabeac beti botatzen dizquitzuten blasfe-
miac, ordañdu nai dizquitzugu, Jauna.

Heregeen desleyaltasun eta seta gogorra, or-
dañdu nai dizquitzugu, Jauna.

Zure Elizetan esaten diran hitz lotsagarriac,
ordañdu nai dizquitzugu, Jauna.

Zure Eliza Santuetan ichusqueriac eguiñaz egui-
ten dituzten aibeste sacrilegio, ordañdu nai
dizquitzugu, Jauna.

Erregutzen dizugu gueitu dezazula arren cris-
tau gucietan misterio adoragarri oneganaco
errespetoa: enzun gaitzatzu, Jauna.

Erregutzen dizugu, aguer deguiezula zure amo-
rezco Sacramentua heregeai: adi gaitzatzu,
Jauna.

Erregutzen dizugu, diguzula ayec gorrotatzen
zaituzten baño gueyago gue zu amatzeco gra-
cia, enzun gaitzatzu, Jauna.

Escatzen dizugu, hamilltasun guciac ar zazula
eguiten dizugun gure ordañ-saria: adi gai-
tzatzu, Jauna.

Erregutzen dizugu, gure adoracioa zure gogoco
izan daquizula: enzun gaitzatzu, Jauna.

Hostia garbia, beguira zaguzu.
Hostia Santa, enzun gaitzatzu.
Hostia manchagabea, beguira zaguzu.
Jaincoaren Bildots, munduco pecatuac quentzen
dituzuna: barca zaguzu.
Jaincoaren Bildots, munduco pecatuac quentzen
dituzuna: enzun gaitzatzu.
Jaincoaren Bildots, munduco pecatúac quentzen
dituzuna: erruqui zaite guzaz.
Jauna, erruqui zaite guzaz.
Jesucristo, erruqui zaite guzaz.
Beguira, Jauna, gure naigabea, eta eman zayo-
zu gloria zure icen santuari.

ORACIOA.

Zure Pasio Sagraduaren oroipenaren bidez ce-
re Aitari gloria betico bat eta guri betico vi-
citzaraco janaria emanaz, munduaren azquene-
raño Sacramentu guciz Santuan gurequin gue-
ratu nai izan dezun, Jesucristo Jauna, iguzu fe-
degabe, herege eta cristau gaiztoacgandic mis-
terio adoragarri onetan artzen dituzun aim-
beste injuria eta bidegabe itsusigatic biotz da-
mutu batez negar eguiteco gracia. Icio gaitzazu
cristau fededunetatic aldeeguin baño eramán
nayago izan dituzun iraño beltz itsusi guci oec
zuri ordaintzeco celo andi batez, Zue, secula
gucien seculetan Aita Jaungoico, eta Espiritu





